


津田文庫  
文庫 1  
1521  
6





龍威秘書一集

漢魏叢書採珍十九

第七册

飛燕外傳

漢伶玄

雜事祕辛

漢無名氏

述異記

梁任昉

枕中書

晉葛洪

010190607130



Blank page with vertical lines for text.

飛燕外傳

漢 伶玄著

漢魏叢書原本  
武林陳平垣閣



趙后飛燕父馮萬金祖大九工理樂器事江都王協  
律舍人萬金不肯傳家業編習樂聲亡章曲任為繁  
手哀聲自號凡靡之樂聞者心動焉江都王孫女姑  
蘇主嫁江都中尉趙曼曼幸萬金食不同器不飽萬  
金得通趙主主有娠曼性暴妬且早有私病不近婦  
人主恐稱疾居王宮一產二女歸之萬金長曰宜主  
次日台德然皆冒姓趙宜主幼聰悟家有彭祖分脈



之書善行氣術長而纖便輕細舉止翩然人謂之飛  
燕谷德膏浴出浴不濡善音辭輕緩可聽二人皆出  
世色萬金死馮氏家敗飛燕妹弟流轉至長安於時  
人稱趙主子或云曼之他子與陽阿主家令趙臨共  
里巷託附臨屢為組文刺繡獻臨臨愧受之居臨家  
稱臨女臨有長女事宮省被病歸死飛燕或稱死者  
飛燕妹弟事陽阿主家為舍直宮竊倣歌舞積思精  
切聽至終日不得食待直背服疏苦財且顯事膏沐  
澡粉其費亡所愛其直者指為愚人飛燕通麟羽林

射鳥者飛燕貧與谷德共被夜雪期射鳥者於舍傍  
飛燕露立閉息順氣體溫舒亡疹栗射鳥者異之以  
為神仙飛燕緣主家大人得入宮召幸其姊妹樊姬  
反計為丞光司沓者故識飛燕與射鳥見事為之寒  
心及幸飛燕瞑目牢握涕交頤下戰栗不迎帝帝擁  
飛燕三夕不能接畧無譴意宮中素幸者從容問帝  
帝曰豐若有餘柔若無骨遷延謙畏若遠若近禮義  
人也寧與女曹婢脅肩者比邪既幸流丹浹藉姬私  
語飛燕曰射鳥者不近女邪飛燕曰吾內視三日肉



肌盈實矣。帝體洪壯，剝我甚焉。飛燕自此特幸，後宮  
號趙皇后。帝居鴛鴦殿，便房省帝簿。媼上薄，媼因進  
言：飛燕有女弟合德，美容體性醇粹，可信不與。飛燕  
比，帝即令舍人呂延福以百寶鳳毛步輦迎合德。合  
德謝曰：非貴人姊，召不敢行。願斬首以報宮中。廷福  
還奏，媼為帝取后五采組文手藉為符，以召合德。合  
德新沐膏，九曲沈水香為卷髮，號新髻，為薄眉，號遠  
山黛。施小朱，號慵來粧。衣故一繡裙，小袖，本文襪。帝  
御雲光殿帳，使樊媼進合德。合德謝曰：貴人姊，虐如

不難滅。恩愛恥不受死，非姊教，願以身易耻，不望旋  
踵。音詞舒閑，清切左右，嗟賞之。嘖嘖，帝乃歸合德。宣  
帝時，披香博士淳方成白髮，教授宮中。號淳夫人在  
帝后唾曰：此禍水也。滅火必矣。帝用樊媼計，為后別  
開遠條館，賜紫葦雲氣帳，文玉几，赤金九層博山，緣  
合媼諷后曰：上久亡子，宮中不思千萬歲計，邪何不  
時進上求有子？后德媼計，是夜進合德。帝大悅，以輔  
屬體無所不靡，謂為溫柔鄉。謂媼曰：吾老是鄉矣，不  
能效武皇帝求白雲鄉也。媼呼萬歲，賀曰：陛下真得



仙者。上立賜。嫔。鮫。文。萬。金。錦。二十四匹。合德尤幸。號  
爲趙婕妤。好。婕妤。好事。后常爲兒。拜。后與。婕妤。坐。后誤。唾。  
婕妤。好。裏。婕妤。曰。妨。唾。染。人。紺。裏。正。似。石。上。華。假。令。尚  
方。爲。之。未。必。能。若。此。衣。之。華。以。爲。石。華。廣。袖。后。在。遠  
條。館。多。通。侍。郎。宮。奴。多。子。者。婕妤。傾。心。翊。護。常。謂。帝  
曰。妨。性。剛。或。爲。人。構。陷。則。趙。氏。無。種。矣。每。泣。下。悽。惻  
以。故。白。后。姦。狀。者。帝。輒。殺。之。侍。郎。宮。奴。鮮。絳。蘊。香。恣  
縱。棲。息。遠。條。館。無。敢。言。者。后。終。無。子。后。浴。五。蘊。七。香  
湯。踞。通。香。沉。水。坐。燎。降。神。百。蘊。香。婕妤。浴。昔。意。湯。傳。

露華百英粉。帝嘗私語樊嫔曰。后雖有異香。不若婕  
妤。好。體。自。香。也。江。都。易。王。故。姬。李。陽。華。其。姑。爲。馮。大。力  
妻。陽。華。老。歸。馮。氏。后。姊。弟。毋。事。陽。華。陽。華。善。齋。飾。常  
教。后。九。迴。沉。水。香。澤。雄。麝。臍。內。息。肌。丸。好。好。亦。內。息  
肌。丸。常。試。若。爲。婦。者。月。事。益。薄。他。日。后。言。於。承。光。司  
刺。者。上。官。嫵。嫵。膺。曰。若。如。是。安。能。有。子。乎。教。后。煮。羊  
花。滌。之。終。不。能。驗。真。臘。夷。獻。萬。年。蛤。不。夜。光。珠。彩。皆  
若。月。照。人。亡。妍。醜。皆。美。豔。帝。以。蛤。賜。后。以。珠。賜。婕妤。  
后。以。蛤。粧。五。成。金。霞。帳。帳。中。常。若。滿。月。久。之。帝。謂。婕



好曰。吾晝視后。不若夜眎之美。每日令人忽忽如失。婕妤聞之。卽以珠號爲枕前不夜珠。爲后壽。終不爲后道。帝言始加大號。婕妤奏。昔於后曰。天地交暢。貴人姊及此。今吉光登正位。爲先人休。不堪喜豫。謹奏上二十六物。以賀金屑組文茵一鋪。沉水香蓮心椀一面。五色同心大結一盤。鴛鴦萬金錦一匹。琉璃屏風一張。枕前不夜珠一枚。含香綠毛狸藉一鋪。連香虎皮檀象一座。龍香握魚二首。獨搖寶蓮一鋪。七出菱花鏡一奩。精金瓊環四指。若亡絳綃單衣一襲。香

文羅手藉三幅。七回光雄肪髮澤一盞。紫金被褥香爐三枚。文犀辟毒箸一雙。碧玉膏奩一合。使侍兒郭語瓊拜上。后報以雲錦五色帳。沉水香玉壺。婕妤泣怨。帝曰。非姊賜我死。不知此器。帝謝之。詔益州留三年。輸爲婕妤作七成錦帳。以沉水香飾。婕妤接帝於太液池。作千人舟。號合宮之舟。池中起爲瀛洲。樹高四十尺。帝御流波文縠無縫衫。后衣南越所貢雲英紫裙碧瓊輕綃廣袖。上后歌舞歸風送遠之曲。帝以文犀簪擊玉。既令后所愛侍郎馮無方吹笙以倚后。



歌中流歌酣風大起后順風揚音無方長嘯細嫵與相屬后裙解曰顧我顧我后揚袖曰仙乎仙乎去故而就新寧忘懷乎帝曰無方爲我持后無方捨吹持后曠久之風霽后泣曰帝恩我使我仙去不得悵然曼嘯泣數行下帝益愧愛后賜無方千萬入后房闈他日宮姝幸者或褻裙爲紳號曰留仙裙婕妤好益貴幸號昭儀求近遠條館帝作少嬪館爲露華殿含風殿博昌殿求安殿皆爲前殿後殿又爲溫室凝缸室浴蘭室曲房連檻飾黃金白玉以璧爲表裏于變萬

狀連遠條館號通仙門后貴寵益恩放蕩使人博求術士求匪安却老之方時西南北波夷致貢其使者舉茹一飲晝夜不臥偃典屬國上其狀屢有光怪后聞之問如何術夷人曰吾術天地平生死齊出入有無變化萬象而卒不化后令樊嫵弟子不周遺千金夷人曰學吾術者要不淫與謾言后遂不報他日樊嫵侍后浴語甚謹后爲樊嫵道夷言嫵抵掌笑曰憶在江都時陽華李姑畜鬪鴨水池上苦嚙嚙鴨時下朱里芮姥者求捕獺狸獻姥謂姑曰是狸不他食當



飯以鴨。姑怒，絞其狸。今夷術真似此也。后大笑曰：「真夷何足汗！」吾綽平后所通官奴燕赤鳳者，雄捷能起，觀閣兼通。昭儀赤鳳始出少嬪館，后適來幸。時十月五日，宮中故事，上靈安廟，是日吹塤擊鼓，歌連臂踏地歌。赤鳳來，曲后謂昭儀曰：「赤鳳爲誰來？」昭儀曰：「赤鳳自爲姊來，寧爲他人乎？」后怒，以杯抵昭儀，裙曰：「曷子能嚙人乎？」昭儀曰：「穿其衣，見其私足矣。」安在嚙人乎？昭儀素卑，事后不虞，見答之暴，執視不復言。樊嫔脫簪叩頭出血，扶昭儀爲拜，后昭儀拜乃泣曰：「姊寧

忘共被夜長，苦寒不成寐，使合德、雍、姊皆邪，今日垂得貴，皆勝人，且無外搏我姊弟，其忍內相搏乎？后亦泣持昭儀手，抽紫玉九鸞釵爲昭儀簪，髻乃罷。帝微聞其事，畏后不敢問，以問昭儀。昭儀曰：「后妬我，儻以漢家火德，故以帝爲赤龍鳳，帝信之大悅。帝嘗蚤獵，觸雪得疾，陰緩弱不能壯發，每持昭儀足不勝，至欲輒暴起，昭儀常轉側，帝不能長持其足，樊嫔謂昭儀曰：「上餌方士大丹，求盛大不能得，得貴人足一持，暢動此天與貴妃大福，寧轉側俾帝就邪？」昭儀曰：「幸轉



側不。就。尚。能。留。帝。欲。亦。如。姊。教。帝。持。則。厭。去。矣。安。能。復。動。乎。后。驕。逸。體。微。病。輒。不。自。飲。食。須。帝。持。七。箸。藥。有。苦。口。者。非。帝。為。含。吐。不。下。咽。昭。儀。夜。入。浴。蘭。室。膚。體。光。發。占。燈。燭。帝。從。幃。中。竊。望。之。侍。兒。以。白。昭。儀。昭。儀。覽。巾。使。徹。燭。他。日。帝。約。賜。侍。兒。黃。金。使。無。得。言。私。婢。不。豫。約。中。出。幃。值。帝。即。入。白。昭。儀。昭。儀。遽。隱。屏。自。是。帝。從。蘭。室。幃。中。窺。昭。儀。多。神。金。逢。侍。兒。私。婢。輒。索。止。賜。之。侍。兒。貪。帝。金。一。出。一。入。不。絕。帝。使。夜。從。帟。益。至。百。餘。金。帝。病。緩。弱。大。醫。萬。方。不。能。救。求。奇。藥。嘗。得。

督。郵。膠。遺。昭。儀。昭。儀。輒。進。帝。一。丸。一。幸。一。夕。昭。儀。醉。進。七。丸。帝。昏。夜。擁。昭。儀。居。九。成。帳。笑。吃。吃。不。絕。抵。明。帝。起。御。衣。陰。精。流。輪。不。禁。有。頊。絕。倒。衰。衣。視。帝。餘。精。出。湧。霑。汗。被。內。須。臾。帝。崩。宮。人。以。白。太。后。太。后。使。理。昭。儀。昭。儀。曰。吾。持。人。主。如。嬰。兒。寵。傾。天。下。安。能。斂。手。掖。庭。令。爭。雌。帳。之。事。乎。乃。拊。膺。呼。曰。帝。何。往。乎。遂。歐。血。而。死。

飛燕外傳終




雜事秘辛

漢魏叢書原本

明 錢敬臣徐仁中何士鏞閱

建和元年四月丁亥保林吳姁以丙戌詔書下中常侍超門朕聞河洲竊窺明辟思服擇賢作儷隆代所先故大將軍乘氏忠侯商所遺少女有貞靜之德流聞禁掖其與姁並詣商第周視動止審悉幽隱其母諱匿朕將採焉姁即與超以詔書趨詣商第第內謹謀食時商女女瑩從中間細步到寢姁與超如詔書周視動止俱合法相超留外舍姁以詔書如瑩燕處



屏屏接侍閉中閣子時日晷薄辰穿照屋牕光送著  
堂面上如朝霞和雲艷射不能正視目波澄鮮肩嫵  
遠卷朱口皓齒脩耳懸鼻輔曆頤頷位置均適均尋  
脫瑩步攝傳髻度髮如黝柔可鑿圍手入盤陸地加  
半握已乞緩私小結束瑩面發頰抵攔詢告瑩曰官  
家重禮備見初落緩此結束當加鞠濯耳瑩泣數行  
下開再轉面內向詢為手緩捧著日光芳氣噴襲肌  
理膩潔拊不留手規前方後築脂刻玉管乳菽發臍  
容半寸許姝私處墳起為展兩股陰溝渥丹火齊齊

吐此守禮謹嚴處女也約略瑩體血足榮膚膚足飾  
肉肉足骨長短合度自顛至底長七尺一寸肩廣  
一尺六寸臀視肩廣減三寸自肩至指長各二尺七  
寸指去掌四寸肖十竹萌削也髀至足長三尺二寸  
足長六寸蹠跗豐妍底平指斂約縑迫袿收束微如  
禁中久之不得音響詢令摧謝皇帝萬年瑩乃徐拜  
稱皇帝萬年若微風振蕭幽鳴可聽不痔不瘍無黑  
子創陷及口鼻腋私足諸過臣妾詢女賤愚慙言不  
宜心書不符見謹秘緘昧死以聞時夜漏三下太后



猶御壽安殿發緘歡喜。顧語帝曰：吾入宮後，知有幼  
妹，然中外隔濶，目所未見，不謂爭達如爾。明日詔下，  
有司議禮。有司奏曰：謹按春秋，迎王后于紀，在途則  
稱后，故大將軍乘氏忠侯商女。今大將軍參錄尚書  
事乘氏侯冀女弟，膺紹聖善舊協潛邸結婚之際，有  
命既集，宜備禮章。時進徽幣，請下三公太常案禮儀。  
奏可。一準孝惠皇帝納后故事。於六月癸未，皇帝制  
詔大將軍參錄尚書事乘氏侯冀，乾施坤受，實始人  
經，不有配儷，曷奉天地。宗廟爰謀，公卿咸謂宜率前

典。今使使持節太常宏，宗正千秋，以禮納采。主人曰：  
皇帝嘉命，訪婚陋族，備數采擇，臣父故大將軍乘氏  
忠侯商之遺女，未問訓誡，衣履若而人。欽承前典，肅  
奉儀制。大將軍參錄尚書事乘氏冀上。臣冀頓首再  
拜承制。乙酉，皇帝制詔大將軍參錄尚書事乘氏侯  
冀，兩儀配儷，承天統物，正位于內，必俟令族。重申舊  
典，今使使持節太常宏，宗正千秋，以禮問名。主人曰：  
皇帝嘉命，使者宏到，重宣中詔，問臣名族。臣女弟女  
瑩，父母所生，先臣故九江太守定陵鄉侯統之遺玄



孫先臣故褒親愍侯棟之曾孫先臣故少府特進乘氏侯雍之孫先臣故大將軍乘氏忠侯商之遺女外出自先臣故侍中餽陽侯萬全之外曾孫先臣故大鴻臚餽陽侯桂之外孫年十六欽承前典肅奉儀制。戊子皇帝制詔大將軍參錄尚書事乘氏侯冀人謀龜從。僉曰貞吉。敬從典禮。今使使持節太常宏宗正千秋以禮納吉。主人曰皇帝嘉命使者宏重宣中詔。太卜元吉。臣陋族卑鄙。憂懼不勝。欽承前典。肅奉儀制。辛卯皇帝制詔大將軍參錄尚書事乘氏侯冀之

女弟有母儀之德。窈窕之姿。如山如河。宜奉宗廟。永承天祚。以黃金二萬斤。馬十二匹。玄纁縠璧。以章典禮。今使使持節司徒戒太常宏以禮納禮。主人曰皇帝嘉命。降婚卑陋。崇以上公。寵以典禮。備物典策。欽承前典。肅奉儀制。甲午皇帝制詔大將軍參錄尚書事乘氏侯冀。謀于公卿。大筮元龜。罔有不臧。率遵典禮。今使使持節太常宏宗正千秋以禮請期。主人曰皇帝嘉命。使宏重宣中詔。吉日惟今。月庚子可迎。臣欽承前典。肅奉儀制。庚子皇帝制詔大將軍參錄尚



書事乘氏侯。冀歲言月令吉日惟庚子。率禮以迎。今使使持節太尉喬司徒戒以迎。主人曰。皇帝嘉命。使者喬重宣中詔。今月吉辰。備禮以迎。上公宗卿。兼至。副介近臣百兩。臣蟻蟻之族。猥承大禮。憂悚惶悸。欽承前典。肅奉儀制。后服紺上。立下假髻。步搖八雀。九華十二鎖。加以翡翠未烏。袿乘法駕。重翟羽蓋。金根車。駕青交路。青帷裳。幃畫軸。黃金塗五采。蓋登。旄金華。駕駟馬。龍旂九旂。大將軍妻參乘。太僕妻御車。府令設鹵簿。屬車四十六乘。前鸞旌車。皮軒鳳皇閣。戟

九旂。雲罕金鉦。黃鉞。洛陽令奉引。公卿五官。校尉司隸。校尉河南尹妻皆乘其言車。帶夫本官綬。以從。虎賁羽林騎。戎頭黃門鼓吹。五時副車。女騎夾轂。法御史在前。五將道騎。千乘萬騎。引至闕下。自皇漢迎后。未有若斯之盛也。至八月乙未。詔曰。維建和元年八月乙未。制詔故大將軍乘氏忠侯商女。女嬈。朕聞任姒。佐周。綿運八百。良以德重黃床。足奉宗廟也。朕以寡昧。承嗣歷服。爰求英淑。共臨海內。惟爾夙聞。內戒德冠。後庭有天桃之宜。協和鳴之祥。宜升尊位。



母儀天下。今使大尉喬使持節奉璽綬。宗正千秋爲副。立爾爲皇后。其敬慎中饋。以踐乃位。無替朕命。永奠坤維。后卽位于章德殿。太尉使持節奉璽綬。天子臨軒陞設虎賁。旄頭五牛旗。百官陪位。皇后北面。太尉往。蓋下東向。宗正大長秋西向。宗正讀策文畢。皇后稱臣。妾皇帝萬年。畢。住位。太尉喬授璽綬中常侍。超長跪受璽綬。奏于殿前。女史授婕妤。好婕妤長跪受。以授昭儀。昭儀長跪受。以帶皇后。皇后伏起拜。滿臣妾皇帝萬年。訖。黃門鼓吹三通。鳴鼓畢。羣臣以次出。

后卽位大赦天下

漢雜事一卷。得於安寧州士知州董氏。前有漢書王子充印。蓋王子充使雲南時。儀中書也。然御覽書亦有漢雜事。而略不見收。此特載漢桓帝懿獻梁皇后被選及六禮冊立事。而吳妯入后燕處。審視一段。最爲奇艷。但太穢。耳不謂冀威赫震人。猶得瀆選如此。卷首有秘辛二字。不可解。要是卷帙甲乙名目。予嘗按考。弓足原始。不得及見。約繆追。秣收束。微如禁中語。則纏足後漢已自有之言。



脫於口。追駟不及。聊志於此。用塞疎漏之譏。成都楊慎。

按桓帝初爲蠡吾侯。梁太后欲以女弟女瑩妻之。徵至京師。會質帝崩。因立之。其明年立女瑩爲后。袁宏後漢紀。范擘書帝后兩紀。李固傳。竝詳之后。紀有司請徵引春秋。在途稱后。正謂前曾結婚也。不應復下詔審視。卽具故事。詔中亦應畧及之。今第云貞靜之德。流聞禁掖。何也。又劉昭禮儀志注云。漢立皇后。國禮之大。而志無其儀。取蔡質所記。

靈帝立宋后儀。以備闕。此書較多審視。及六禮節次。又在宋后前。宜卿注志。舊稱博悉。不應舍此引彼。卽位儀亦與注多同。雖用脩復生。不能判此疑案也。癸卯人日。胡震亨識。

子始讀漢雜事。自賊情搖謂非漢人。不能作。及見孝輟敗語。駭引詳駁。牴牾灼然。乃更發書檢校。復得可疑者數則。按雜事所載立后儀。竝同宋后。固無論卽后服所稱。紺上玄下。八雀九華。皆廟見所著。若十二鑊。是親蠶飾。不宜于大婚之時。合併而



服也。且鹵簿大駕與劉昭親蠶注不爽眉髮而六禮版辭亦見沈約宋書。宋書云晉穆帝將納何后太常王彪之謂六禮宜依漢舊。今考雜事及晉版辭一則曰欽承舊章。肅奉典制。一則曰欽承前典。肅奉儀制。此豈彪之所云華嶠改足而有異同邪。禮使有太常宏不知為誰。其曰中書侍郎趙超也。曰司徒戒趙戒也。注曰蜀郡人曰太尉喬杜喬也。但梁冀初欲厚禮納徵。喬執不從。冀遂于是年十一月殺喬。朝廷是時寧敢拂冀遺喬為使。至于宗

正千秋惟安帝時有劉千秋為宗正。去此幾四十年不應尚居此官。未復有大赦天下語。則建和元年八月乙未立后之下。曾無此文。雖此年十一月有減天下死罪一等語。然與立后絕不相蒙。當是仍襲宋后舊文耳。惟以后生年推之用合商妻陰夫人所卒之年。則后生于永建五年陰卒于陽嘉四年。是生六歲而母始喪也。于理稍不背戾。又后紀注曰乘馬四匹。馬也。雜事乃云馬十二匹。更檢晉志云漢高后制聘后黃金二百斤。馬十二匹。此




則雜事較有所據足補悉依孝惠皇帝納后故事  
注余因念作偽者必非不讀漢書何至自開鑿寶  
如此且審識一段描寫精瑩若有生氣似非假託  
可到恐秘記史官各有依據未可指爲贗作也海  
鹽姚士焄叔祚跋

自古以文字類寫娟麗無過衛詩之美莊姜其他  
若宋玉之嫉光眇脉目增波郭舍人之鬻妃女脣  
甘如飴唐玄宗之軟温新刺雞頭肉杜樊川之織  
織玉笋裏輕雲之數語皆妙於形容亦足寫一時

之艷然未有摩畫幽隱言人所不忍言若秘辛之  
搖人心目也且自如瑩燕處度髮解衣以至幽鳴  
可聽其間兩人周旋景光雖云千百餘年猶歷  
歷如眼見而耳聞之也至其造語若拊不留手築  
指刻玉曾乳菽發火齊欲吐之類咸此姬率率口  
創有後來含毫所不敢望者何得橫索同異相與  
疑之叔祥孝贛證據博矣然非所以誇于文章之  
妙也繡水沈上龍識





述異記卷上

梁 任昉著 武林章如錦閱

昔盤古氏之死也頭為四岳目為日月脂膏為江海  
毛髮為草木秦漢間俗說盤古氏頭為東岳腹為中  
岳左臂為南岳右臂為北岳足為西岳先儒說盤古  
氏泣為江河氣為風聲為雷目瞳為電古說盤古氏  
喜為晴怒為陰吳楚間說盤古氏夫妻陰陽之始也  
今南海有盤古氏墓且三百餘里俗云後人追慕盤  
古之魂也桂林有盤古氏廟今人祝祀



南海中盤古國今人皆以盤古為姓昉按盤古氏天

地萬物之祖也然則生物始於盤古

南海小虞山中有鬼母能產天地鬼一產十鬼胡產

之暮食之今蒼梧有鬼姑神是也虎頭龍足蟒目蛟

耳連眉一目

昔禹會塗山執玉帛者萬國防風氏後至禹誅之其

長三丈其骨頭專車今南中民有姓防風氏即其後

也皆長大越俗祭防風神奏防風古樂截竹長三尺

吹之如嗥三人披髮而舞

軒轅之初立也有蚩尤氏兄弟七十二人銅頭鐵額

食鐵石軒轅誅之於涿鹿之野蚩尤能作雲霧涿鹿

今在冀州有蚩尤神俗云人身牛蹄四目六手今冀

州人掘地得髑髏如銅鐵者即蚩尤之骨也今有蚩

尤齒長二寸堅不可碎秦漢間說蚩尤氏耳鬚如劍

戟頭有角與軒轅鬪以角觝人人不能向今冀州有

樂名蚩尤戲其民兩兩三三頭戴牛角而相觝漢造

角觝戲蓋其遺製也



太原村落間祭蚩尤神不用牛頭今冀州有蚩尤川  
卽涿鹿之野漢武時太原有蚩尤神畫見龜足蛇首  
口疫其俗遂爲立祠

堯使鯀治洪水不勝其任遂誅鯀於羽山化爲黃熊  
反奴來入於羽泉今會稽祭禹廟不用熊曰黃熊卽黃  
熊也陸居曰熊水居曰能昉按今江淮中有鮒名熊  
熊蛇之精至冬化爲雉至夏復爲蛇今吳中不食雉  
毒故也

揚州有蛇市市人鬻珠玉而雜貨蛟布蛟人卽泉先

也又名泉客

南海出蛟綃紗泉先潛織一名龍紗其價百餘金以  
爲服入水不濡

南海有龍綃官泉先織綃之處綃有白之如霜者

鬱林郡有珊瑚市海先市珊瑚樹碧色生海底一株  
十枝枝間無葉大者高五六尺至小者尺餘蛟人云  
海上有珊瑚官漢元封二年鬱林郡獻瑞珊瑚

光武時南海獻珊瑚婦人帝命植於殿前謂之女珊  
瑚一旦柯葉甚茂至靈帝時樹死咸以謂漢室將亡



之徵也

凡珠有龍珠龍所吐者。蚩珠蚩所吐者。南海俗語云。蚩珠于枚不及枚。瓊言蚩珠賤也。瓊塊亦是美珠也。越人諺云。種于畝木奴。不如一龍珠。

越俗以珠為上寶。生女謂之珠娘。生男謂之珠兒。吳越間俗說明珠一斛。貴如王者。合浦有珠市。

昔炎帝女溺死東海中。化為精衛。其各自呼。每銜西山木石填東海。偶海燕而生子。生雌狀如精衛。生雄如海燕。今東海精衛誓水處。會溺於此。川誓不飲其

水。一名烏市。一名寃禽。又名志鳥。俗呼帝女雀。

東海島龍川。穆天子養八駿處也。島中有草名龍芻。馬食之一日于里。古語云。一株龍芻化為龍駒。

陶唐之世。越常國獻千歲神龜。方三尺餘。背上有文。科斗書記。開闢以來。帝命錄之。謂之龜歷。伏滔述帝功德銘曰。胡書龜歷之文。

夏桀宮中有女子。化為龍。不可近。俄而復為婦人。甚麗。而食人。桀命為蛟。妾告桀吉凶。

桀時泰山山走石。泣先儒說桀之將亡。泰山三日泣。



今泰山山石遠望之若人泣蓋是也周武謂周公曰  
桀爲不道走山泣石

堯爲仁君一日十瑞宮中芻化爲禾鳳凰止於庭神  
龍見於宮沼歷草生階宮禽五色鳥化白神木生蓮  
蕙蒲生厨景星耀於天甘露降於地是爲十瑞

東海畔有孤竹焉斬而復生中有管周武王時孤竹  
之國獻瑞筍一株

空桑生大野山中爲琴瑟之最者空桑也

周成王元年自多國人獻舞雀周公命返之南海中

有軒轅正鸞自歌鳳自舞古云天帝樂也崆峒山中

有堯碑禹碣昔籙文焉伏滔述帝功德銘曰堯碑禹

碣歷古不昧

會稽山有虞舜巡狩臺臺下有望陵祠帝舜南巡葬

於九疑民思之立祠曰望陵祠

帝舜都鄧門古宮存焉宮前有堯臺舜館銘記古文

莫有識者

湘水去岸三十里許有相思宮望帝臺昔舜南巡而  
葬於蒼梧之野堯之二女娥皇女英追之不及相與



協與淚下沾竹竹文上爲之班班然

昔戰國時魏國苦秦之難有以民從征戍卒久不返妻思而卒既葬塚上生木枝葉皆向夫所在而傾因謂之相思木今秦趙間有相思草狀如石竹而節節相續一名斷腸草又名愁婦草亦名霜草人呼察莎蓋相思之流也

在南有懶婦魚俗云昔楊氏家婦爲姑所溺而死化爲魚焉其脂膏可燃燈燭以之照鳴琴博奕則爛然有光及照紡績則不復明焉

水虺五百年化爲蛟蛟千年化爲龍龍五百年爲角龍千年爲應龍

沮渙二水波文皆若五色彼人多文章故一名續水灌漑之間離別亭古送別處漢沔會流處岸上有石銘云下至水府三十一里皆傳云李斯刻此石

鹿千年化爲蒼又五百年化爲白又五百年化爲玄漢成帝時山中人得玄鹿烹而視之骨皆黑色仙者說玄鹿爲脯食之壽二千歲

餘于縣有白鹿土人皆傳于年矣晉成帝遣捕得銅



牌在角後書云漢元鼎二年臨江所獻白鹿

淮水中黃雀至秋化為蛤春復為黃雀雀五百年化為屬蛤梓樹之精化為青羊生百年而紅五百年而黃又五百年而色蒼又五百年而色白

龜子年生毛龜壽五千年謂之神龜萬年曰靈龜海魚子歲為劍魚一名琵琶形如琵琶而善鳴因以名焉

漢中山有虎生角道家云虎千年則牙脫而角生漢宣城郡守封邵且化為虎食郡民呼之曰封使君

因去不復來故時語云無作封使君生來治民死食民天人無德而壽則為虎虎不食人人化虎則食人蓋耻其類而惡之

鏡之為獸狀如虎豹而小始生還食其母故曰泉鏡濟陽山麻姑登仙處俗說山上千年金雞鳴玉犬吠闔閭夫人墓中周迴八里別館洞房迤邐相屬添燈照爛如日月焉尤異者金蠶玉燕各千餘雙

吳王夫差築姑蘇之臺三年乃成周旋詰屈橫且五里崇飾土木殫耗人力宮妓數千人上別立春宵宮



爲長夜之飲造于石酒鍾夫差作天池池中造青龍  
舟舟中盛陳妓樂日與西施爲水嬉吳王於宮中作  
海靈館館娃閣銅溝玉檻宮之楹檻珠玉飾之  
吳既滅越棲勾踐于會稽之上地方千里勾踐  
蠶之謀乃示民以耕桑延四方之士作臺於外而館  
賢士今會稽山有越王臺今交州麻林一名紵林勾  
踐種麻將以弦弓交州糠頭山勾踐貯米於其上春  
積糠爲山今會稽之上有越王鑄劍洲箭鏃洲往往  
有得古箭鏃蓋古制也

廣州東界有大夫文種之墓墓下有石爲華表柱石  
鶴一隻種卽越王勾踐之謀臣也

洞庭湖中有釣洲昔范蠡乘扁舟至此遇風止釣於  
洲上刻石記焉有一陂陂中有范蠡魚昔范蠡釣得  
大魚烹食之小者放於陂中陂邊有范蠡石牀石硯  
鈎鏃范蠡宅在湖中多桑紵英果有海杏大如拳若  
年楸

邠鄴有故宮基存焉中有趙王之果園梅李至冬而  
花春得而食



鄴中銅駝鄉魏武帝陵下銅駝石大各二古詩五石  
犬不可吠銅駝徒爾爲

一說香水在并州其水香潔浴之去病吳故宮亦有  
香水溪俗云西施浴處人呼爲脂粉塘吳王官人濯  
粧於此溪上源至今馨香古詩云安得香水泉濯郎  
衣上塵俗說魏武帝陵中亦有泉謂之香水

饒州俗傳軒轅氏鑄鏡於湖邊今有軒轅磨鏡石石  
上常潔不生蔓草

桂林東南邊海有裸川桓譚新論云呈衣冠於裸川

海上有裸人鄉

丹陽大姑陵下有石麟二枚不知年代傳曰秦漢  
間公卿墓則以石麒麟鎮之虞氏縣有盧君古塚塚  
旁栢二株枝條蔭茂二百餘步樹文隱起皆如龜甲  
根勁如銅石

盧府君墓在館陶縣南二十里不知何代銘曰盧府  
君歸真之室

盧陵郡有董氏之宅前有董家祠昔有董氏語其鄉  
人曰吾當盡室作神及死家人老幼皆卒鄉人往往



見之稱吾於地下作盧陵侯鄉人因爲立祠能致風雨

定安西隴道其谷中有彈箏之聲行人過聞之謂之彈箏谷

粉水出房陵永清谷取其水以漬粉卽鮮潔有異於常謂之粉水

漢水西山有九井井中常出五色煙向數丈傳云昔人有縫之入得數斛空青

西海外有鵠國人長七寸日行千里百獸不犯惟畏

海鵠見必吞之在鵠腹中不死鵠一舉亦千里

吐綬鳥其身大如鶴五色出巴東山中毛色可愛若天晴淑景卽吐綬長一尺須臾還吞之陰滯卽不吐

陽泉在天餘山北清流數十步所涵草木皆化爲石精明堅勁其水所經之處物皆清爲石

却塵犀海獸也然其角辟塵致之於座塵埃不入羊山上有燃石其色黃而文理疎以水沃之便如煎

沸其上可炊烹稍冷卽復以水沃之  
獬豸獸中最大者龍頭馬尾虎爪長四百尺善走以



人為食遇有道君即隱藏無道君即出食人

辟寒香丹丹國所出漢武時入貢每至大寒於室焚之暖氣翕然自外而入人皆減衣

迷穀出招搖山亦名雀山其樹如穀又如楮其花四照名曰迷穀如佩之令人不迷

南康雩都縣西浚江有石室名夢口穴嘗有船人遇一人通身黃衣擔兩籠黃瓜求寄載過至岸下此人唾盤上徑下崖直入石穴中船主初甚忿之見其入石室始知異視盤上唾悉是金矣

噲叅養母至孝曾有玄鶴為戎人所射窮而歸叅叅收養療治瘡愈放之後鶴夜到門外叅秉燭視鶴雌雄雙至各銜明月珠以置叅家

炎洲在南海中上有風生獸似豹青色大如狸網取之積薪數車燒之可燃鐵鎚鍛頭數十下乃死以口向風須臾便活以石上菖蒲塞鼻即真死取其腦和菊花服之可壽五百歲

南方有灾火山四所生火十二月火滅火滅之後草木皆生枝條至火生草木葉落如中國寒時也取此



木以為薪然之不燼以其皮績之為火浣布  
蘭陵山有井異鳥巢其中金翅而身黑此鳥見即大水井不可窺窺者盈歲輒死

玉門西南有一國國中有山石磻子林切干枚名為霹

靄磻從春雷而磻滅至秋磻盡雷收復生年年如此

宣城蓋山有舒姑泉俗傳有舒氏女與父折薪女坐

泉處忽牽挽不動父遽告家及再至其地惟見清泉

湛然其母曰女好音樂乃作弦歌泉乃涌流

搗衣山一名靈山在瑯琊郡山南絕險巖有方石昔

有神女於此搗衣其石明瑩謂之玉女搗練碓

斗鄉西津有玉女岡天當雨輒先涌五色氣於石間

俗謂玉女披衣

嶧州去玉門三千里地寒多雪着木石之上皆融而

甘可以為菓嶧正

八方之荒有石鼓其徑千里撞之其音即成雷也天

之申威於此

秦始皇作石橋於海上欲過海觀日出處有神人驅

石去不速神人鞭之皆流血今石橋其色猶赤



員嶠山名。還正東有雲石廣五百里。有蠶長七寸。黑  
色有鱗角。以霜雪覆之。然後作繭。長一尺。其色五采。  
織爲文錦。入水不濡。

園客者。濟陰人。貌美。色人多欲妻之。客終不娶。常種  
五色香草。積十餘年。服食其實。忽有五色蛾。集香草  
上。客薦之以布生華。蠶焉。至蠶時。有一女自來助養。  
蠶以香草食之。得繭一百二十枚。繭大如甕。每一繭  
繅六七日。絲方盡。繅訖。此女與客俱神仙去。  
并州妒女。泉婦人不得詭粧。絲服至其地。必興雲雨。

二云是介推妹

齊桓公北征孤竹。見人長尺。具衣冠。左袂而走於馬  
前。管仲曰。此山之神也。名曰俞。嵬。霸王聲之。君興則  
見也。

和州歷陽淪爲湖。昔有書生遇一老姥。姥待之厚。生  
謂姥曰。此縣門石龜。眼血出。此地當陷。爲湖。姥後數  
往視之。門吏問姥。姥具答之。吏以硃點龜眼。姥見。遂  
走上北山。顧城遂陷焉。今湖中有明府魚。奴魚。婢魚。  
信安郡石室山。晉時王質伐木。至見童子數人。基而



歌質因聽之童子以一物與質如棗核質含之不覺  
饑俄頃童子謂曰何不去質起視斧柄盡爛既歸無  
復時人

螺亭在南康郡昔有正女採螺為業曾宿此亭夜聞  
空中風雨聲乃見眾螺張口而至便亂噉其肉明日  
惟有骨存焉故號此亭為螺亭

北方有七尺之棗南方有三尺之梨凡人不得見或  
見而食之即為地仙

荀瓌字叔偉潛棲卽粧嘗東遊甜江夏黃鶴樓上望

西南有物飄然降自霄漢俄頃已至乃鴛鴦之賓也  
鶴止戶側仙者就席羽衣虹裳賓主歡對已而辭去  
跨鶴騰空而滅

晉安郡有一書生謝端為性介潔不染聲色嘗於海  
岸觀濤得一大螺大如一石米斛割之中有美女曰  
予天漢中白水素女天帝矜卿純正令為君作婦端  
以為妖呵責遣之女嘆息升雲而去

襄陽郡永康縣吳時有人入山逢大龜擔之未至家  
遇夜縱舟於岸見老桑呼龜曰元緒汝嘗死矣龜呼



桑樹曰子明無苦也雖然盡南山之樵不能瀆我對  
曰諸葛恪明敏禍必及於子明曰其人將龜獻吳王  
命養之三日三夜不死遂問諸葛恪恪曰此龜有精  
須得多載老桑爲薪養之立爛遂命老桑斫之爲薪  
既燃卽爛

漢武帝幸甘泉長平阪道中有虫赤如肝頭自口齒  
悉具人莫知也時東方朔曰此古秦獄地也積憂所  
致上使按圖果秦獄地朔曰夫積憂者得酒而解乃  
取虫置酒中立消

洞庭山有宮五門東通林屋西達蛾眉南接羅浮北  
通岱岳東有石樓樓下兩石扣之清越所謂神鉦昔  
有青童乘燭颺飛輪之車至此其跡存焉上有天帝  
壇山山有金牛穴吳孫權時令人掘金金化爲牛走  
上山其跡存焉故號爲金牛穴

范文本日南奴也爲奴時牧羊於澗中得兩鯉魚欲  
私食之卽知詰文詐云將礪石還非魚也卽至魚所  
果見兩石文異之石有鐵文因入山中就治作兩刀  
因舉刀向鄣鄣卽蕃中山地名也咒曰鯉魚變化治



成刀斫石鄣破者是有神靈又當治此國遂斫破之  
衆遂推爲君

宋武帝徵時伐荻於新洲見一大蛇長數丈遂射之  
傷朗曰復往觀之間杵臼聲聞見數青衣童子搗藥  
問其故答曰我王爲劉寄奴所射今合藥傳之帝曰  
何神也童子不答帝叱之皆散收得藥人因名此草  
爲劉寄奴

西域有鼠國大者如犬中者如兔小者如常鼠頭牙  
白齒黃有經過其國者若不祈祀則嚙人衣裳

周成王時東夷送六角牛

磅磳山去扶桑五萬里日所不及其地甚寒有桃樹  
千圍萬年一實一說曰本國有金桃其實重一片  
吳王闔閭葬於吳縣三月有白虎居其上號曰虎正  
晉太康中會稽縣蚘蟻及羊皆化爲鳥蚘始變者有  
毛而無肉大食新稻

周穆王時天下連雨三月穆王乃吹笛其雨遂止  
漢武帝時西方曰支國有獻活人草三莖有人死者  
將草覆面卽活之矣



封微山中有怒毛獸若不噴毛短三寸若噴毛長三

尺

南金山有師子獸其毛黃赤而光鮮耳小若鳴時地

動石裂也

崑崙山有玉桃光明洞徹而堅瑩須以玉井泉洗之

便軟可食

北方荒外有石湖方十里中有橫公魚夜即化為人

刺之不入煮之不死若以烏梅二七箇煮之即熟可

治邪病

東海郡尉于白有杏一株花雜五色六出號六仙人

杏

晉時晉陵薛願家有虹飲其釜中水須臾而竭願因

以酒祝而益之虹復飲盡吐金滿釜而去願家遂至

大富

顧渚山有報春鳥春至則鳴秋分亦鳴似鶻鳩之類

也

龍肝瓜長一尺花紅葉素生於冰谷所謂冰谷葉

之瓜



越俗說會稽山夏禹廟中有梅梁。忽一春而生枝葉。漢成帝常與趙飛燕游太液池。以沙棠木爲舟。其木出崑崙山。人食其實。入水不溺。詩曰：安得沙棠木，刺以爲舟船。

巴東有真香茗。其花白色如薔薇。煎服令人不眠。能誦無忘。

伺潮雞。潮水上則鳴。孫綽望海賦曰：石雞清響而應潮。是也。

聚窟州有返魂樹。伐其根心於玉釜中煮取汁。又熬

之。令可丸。名曰驚精香。或名震靈丸。或名反生香。或名卻死香。死尸在地。聞氣即活。

年華山在西海之西。有蔓竹。爲簫管。吹之若羣鳳之鳴。

魏興錫義山多生微蘅草。有風不偃。無風獨搖。

黃金山有楠樹。一年東邊榮。西邊枯。後年西邊榮。東邊枯。年年如此。張華云：交讓樹也。

石勒嘗備於臨水。爲遊軍所囚。會有羣鹿傍道。軍人競逐之。勒乃獲免。俄而又見一老父謂勒曰：何來羣



鹿者我也君應為列國主故相救耳

大食王國在西海中有一方石石上多樹幹赤葉青  
枝上總生小兒長六七寸見人皆笑動其手足頭著  
樹枝使摘一枝小兒便死

獬豸者一角之羊也性知人有罪臯陶治獄其罪疑  
者令羊觸之

取鳥之未生毛者以丹和牛肉使吞至長羽毛皆赤  
殺之陰乾杵服壽五百歲

鄧通以權船為黃頭郎曰土勝水其色黃故刺船郎

皆若黃朝

漢元和元年大雨有一青龍墮於宮中帝命烹之賜  
羣臣龍羹各一杯故李尤七命曰味兼龍羹七命即  
文章名也

案消山有石樓樹吳大皇元年郡吏伍曜於海際得  
之枝莖紫色有光南越謂之石連理也

南海有明珠即鯨魚目瞳鯨死而目皆無精可以鑿  
謂之夜光

千年木精為青牛



猿五百歲化為猩猩千歲化為老人

鵓壽三千歲

鷲之千年生胡髯

虎魚老者為蛟

江中魚化為蝗而食五穀者百歲為鼠

蛟羊似羊而無角啖之毒

古人說羊一名胡髯郎又名青鳥

周穆王之犬口走千里食虎豹

闔闔搆水精宮尤極珍怪皆出自水府

瀨鄉老子祠有紫石榴紅縹李一李二色

勾漏縣有白楸青相縹杏

南中生子母竹今之慈竹也

漢章帝元年二虞縣獻一蒂瓜一實二蒂及玉色楸

趙王故城俗呼為麋鹿城

梁孝王築平臺至今存有蒹葭洲島藻洲梳洗潭

中有望泰山商人望鄉之處

具宮夫人廟在大一山下云懷元年夫人也廟即其

基也



當陽南有龍川鳳川云漢武帝時八龍五鳳常見於此亦呼為五鳳州

魏文帝甄后陵在鄴中臨漳東北至今有甄后神殿紂時太龜生毛而兔生角是甲兵將興之兆

述異記卷上終

述異記卷下

周幽王時牛化為虎羊化為狼洛南有避狼城云幽王時羣羊為狼食人故築城避之今洛中有狼村是其處也

關中有金魚神云周平二年十旬不雨遣祭天神俄而生涌泉金魚躍出而雨降

楚莊王時宮人一旦而化為野蠖飛去

秦始皇帝至東海海神捧珠獻於帝前今海畔有秦皇受珠臺



東海上有蒲臺秦始皇至此臺下繫蒲繫馬蒲至今  
紫紆

始皇二十六年童謠云阿房阿房亡始皇

古說雍州雨魚長八尺寸許

先儒說夏禹時天雨金三日古詩云安得天雨金使  
金賤如土是也

周成王時咸陽雨金今咸陽有雨金原

王莽時未央宮中雨五銖錢既而至地悉為龜兒

漢世翁仲儒家人貧力作居潞川一旦天雨金十斛

於其家

漢惠帝二年宮中雨黃金黑錫

呂后三年天雨粟

漢宣帝時江淮饑饉人相食雨穀三秦魏地亡穀二  
十頃

漢武帝時廣陽縣雨麥

河間有雨錢城漢世天雨鉛錫於此

周時成陽雨錢終日而絕

秦二世元年宮中雨金既而頃刻皆化為石



漢成帝末年宮中雨一蒼鹿殺而食之其味甚美  
大禹時天雨稻古詩云安得天雨稻飼我天下民  
漢世潁川民家雨金銖錢  
魏武帝末年鄴中雨五色石  
吳桓王時金陵雨五穀於貧民家富者則不雨矣  
魏時河間王子元家雨中有小兒八九枚墮於庭前  
長六七寸許自言家在河東南爲風所飄而至於君  
庭與之言甚有所知如史傳所述  
魏世河內冬雨棗

也。晉書魏周秦間河南雨酸棗遂生野棗今酸棗縣是

魏文帝安陽殿前天降朱李八枚啖一枚數日不食  
今李種有安陽李大而有甘者卽其種也

漢末楊氏家園中產神標三株

武陵源在吳中山無他木盡生桃李俗呼爲桃李源  
源上有石洞洞中有乳水世傳秦末喪亂吳中人於  
此避難食桃李實者皆得仙

杜陵有金李李大者謂之夏李尤小者呼爲歲李桃



之大者為木桃詩云投我以木桃是也

房陵定山有朱仲李園三十六所潘岳閒居賦云防陵朱仲之李李尤果賦云三十六園朱李是也中山有縹李大如拳者呼仙李李尤果賦云如拳之李陸士衡果賦曰中山之縹李又云仙李縹而神李紅豫樟之為木豫樟即木名也生七年而後與眾木有異

漢武帝寶鼎二年立豫樟宮於昆明池中作豫樟水殿

袁紹在冀州時滿市黃金而無斗粟餓者相食人為之語曰虎豹之口不如饑人劉備在荊州時粟與金同價

永嘉之亂洛中饑荒懷帝遣人觀市珠玉金銀闐委市中而無粟麥袁宏表云田畝由是正墟都市化為珠玉是也

漢末大饑江淮間童謠云太岳如市人死如林持金易粟貴於黃金

洛中童謠曰雖有千黃金無如我斗粟斗粟自可飽



千金何所直

者舊說桓靈之世汝穎間桑麻爲蒿莠桃李不實花而復落落而復花而官倉有朽粟

晉永嘉中梁州雨七旬麥化爲飛蛾

晉末荊州久而粟化爲蠱蟲害民春秋云穀之飛爲蠱蓋是也中郎王義興表奏曰臣聞堯生神木而晉有蠱粟陛下自以聖德何如帝有慙色

宋高祖之初年當晉饑饉之後卽位以來江表二千餘里野粟生焉

古說淮南諸山石生穀袁安云石穀藥名穗之尤小者

漢世古諺曰雖有神藥不如少年雖有珠玉不如金錢

太原神金岡中有神農嘗藥之鼎存焉

成陽山中有神農鞭藥處一名神農原藥草山山上

紫陽觀世傳神農於此辨百藥中有千年龍腦

冀州鶴山傳龍千年則於山中蛻骨今有龍岡岡中出龍腦是也



今藥中有禹餘糧者世傳昔禹治水棄其所餘糧於江中生為藥也

仙藥紫鳳腦千年髑髏是也

龜甲香即桂香之善者

紫述香一名紅蘭香一名金桂香亦名麝香草出蒼梧桂林上郡界今吳中有麝香草香似紅藍而其芳香

南海山出千步香佩之香聞於千步也今海嶼有千步草是其種也葉是杜若而紅碧雜黃籍日南郡貢

### 千步香

日南有香市商人交易諸香處

漢雍仲子進南海香物拜為涪陽尉時為之香尉日南有千畝林名香出其中

香州在朱崖郡洲中出諸異香往往不知名焉十年松香聞於十里亦謂之十里香

杏園洲在南海中洲中多杏海上人云仙人種杏處漢時嘗有人舟行遇風泊此洲五六日食杏故免死云洲中別有冬杏



木蘭。在潁陽江中多木蘭樹。昔吳王闔閭植木蘭於此。用構宮殿也。七里洲中有魯班刻木蘭為舟。舟至今在洲中。詩家云木蘭舟出於此。

木蘭山。南峯昔魯班刻木為鶴。一飛七百里。後放於北山西峯上。漢武帝使人往取之。遂飛上南峯。往往天將雨。則翼翅搖動。若將奮飛。

魯班刻石為禹九州圖。今在洛城石室山。

東北巖海畔有大石龜。俗云魯班所作。夏則入海。冬復止於山上。陸機詩云石龜尚懷海。我學亡故鄉。

上虞縣有石駝步。水際謂之步。

瓜步在吳中。吳人賣瓜於江畔。用以名焉。

吳江中又有魚步。龜步。湘中有靈妃步。助按吳楚間謂浦為步。語之訛耳。

公主山在華山中。漢末王莽秉政。南陽公主避亂奔入此峯。學道後得升仙。至今嶺上有一雙朱履。傳云公主既於山中得道。駙馬王咸間追之不及。故置一履以示之。潘安仁有公主峯記。

晉永嘉亂。既已至江。諸公主不得隨去。安陽公主平



城公主奔入兩河界。悉為民家妻。常怏怏不悅。有故鄉之思。村民感之。共築一臺以居之。謂之公主望鄉之館。至今歸然。王朗懷舊賦云。將軍出塞之臺。公主望鄉之館。漢成帝遣將軍王濱戍邊。及帝崩。王莽篡。逆濱與莽有隙。遂留不敢歸。因逃入胡中。士卒相率築臺為望鄉之處。

曲阜縣南十里有孔子。春秋臺。曲阜古城有顏回墓。墓上石楠樹二株。可三四十圍。土人云顏回手植。晉末羣盜蜂起。義陽公主自洛中出奔。至洛南。士卒

二千餘人留守不去。以衛京都。劉曜攻破之。主存。殊色曜將逼之。主手刃曜。不中。遂自刃。曜奇其正節。遣葬之。立義陽公主憐民憐之為立廟。今義陽神是也。符堅既為姚萇所殺於新平。佛寺中後寺主摩訶蘭。常夢堅曰。可為吾作宮。既而寺左右民家死。疫相繼。巫者常見堅。怒曰。吾不宮。將盡殺新平民。因共斂寺為廟。遂無復災疾。每年正月二日。民競祀。以大牢。耕平寺。今符家神也。

今烏江長亭亭下有駐馬塘。卽當時烏江亭長驪舟。



待項羽處今陰陵故城九曲澤澤中有項王村即項籍迷失路處項王失路於澤中周回九曲後人因以爲澤名

燕昭王爲郭隗築臺今在幽州燕王故城中土人呼爲賢士臺亦謂之切賢臺

漢武帝於湖中牧馬處至今野草皆有嚼嚙之狀湖中呼爲馬澤澤中有武帝彈碁方石石上勒銘存焉歲穠草一名蠟草又呼爲女草江浙中呼娃草美女曰娃故以爲名

懸腸草一名思子蔓南中呼爲離別草

吾爲之澤葵又名重錢亦呼爲宜鮮南人呼爲妬草萱草一名紫萱又呼爲忘憂草吳中書生呼爲療愁花穠中散養生論云萱草忘憂

桂林有睡草見之則令人睡一名醉草亦呼爲懶婦歲又出海南地記

楚中有宮人草狀如金盞而其氣氤花色紅翠俗說楚靈王時宮人數千皆多愁曠有囚死於宮中者葬之後墓上悉生此花



舜草今之孝草也

蓆具草一名塞路生北方胡地古詩云千里蓆具草

紅蘭花一名大草

莢葵本胡中葵似葵而大者

寡草特生而不叢

洛陽有支齒園漢宮儀云染園出芝苜供染御服是其處也

紅綬花蔓生如綬一般有文采因名焉

甘泉宮有木園武帝時園也今俗呼為仙草園出漢

魏宮志

莫園在定陵漢宮儀曰莫園供染綠紋綬小藍曰莫莫音

芙蓉園在洛陽漢家置之長沙定王故宮有蓼園真

定王故園也

張騫昔菹園今在洛中昔菹本胡中菜也張騫始於西戎得之

衛有淇園出竹在淇水之上詩云瞻彼淇澳綠竹猗猗是也



梧桐園有吳宮本吳王夫差舊園也一名鳴琴川南中有楓子鬼楓木之老者爲人形亦呼爲靈楓後漢季子長爲政欲知囚情以梧桐木爲之像囚形穿地爲坎臥木囚於其中祝之罪正者不動寃者木囚動出時以爲精誠所應子長時爲大理卿

漢武宴於未央宮忽聞人語云老臣負自訴不見其形良久見架上一老翁長八九寸面皺鬚白拄杖僂步至前帝問曰叟何姓名所訴者何翁緣拄放杖叩頭乞言因仰視屋俯視帝脚忽不見帝駭懼問東方

朔朔曰其名爲藻兼水木之精也陛下頃來頻遊宮室斬伐其居故來訴耳仰頭看屋而後視陛下脚足者願陛下宮室足於此不欲更造帝乃息役後帝幸瓠子河聞水底有絃歌之聲置肴膳芬芳於帝前前梁上翁及數人年少絳衣紫帶佩纓皆長八寸一人最長長尺餘凌波而出衣不沾濕或挾樂器帝問之曰向所聞樂是公等奏耶對曰臣前昧死歸訴蒙陛下息斤斧得全其居故相慶樂耳遂奏樂獻帝洞穴珠一枚遂隱不見帝問方朔何謂洞穴珠朔曰河底



有一穴深數百丈中有赤蚌蚌生此珠徑寸明耀絕世矣帝遂寶愛此珠置於內庫

燕昭王種長春樹葉如蓮花樹身似桂樹花隨四時之色春生碧花春盡則落夏生紅花夏末則凋秋生白花秋殘則萎冬生紫花遇雪則謝故號為長春樹  
澄永泉在滄州九視山山下出泉濶百餘步亦名流永渠雖泛金石終不沉故州人欲渡此泉以瓦鐵為船舫

地生毛京房以為人勞之應北齊武成河清年中徐

州及長安地生毛長七尺時北齊長城內築三臺人苦勞役之應

神泉出高密瑯琊郡人或禱祈求之則飛泉湧出清冷而味甘人或汚之則傾竭

鹽田在河東郡有一大澤澤中產鹽引水沃之則自成號曰鹽田取之無盡不沃則無也又張掖有鹽池自然生鹽其鹽多少隨月增減

漢水其味如蜜東方朔得以獻武帝帝乃投於陰井中井水遂甜而寒洗浴則肌理不滑



日林國有神藥數千種其西南有石鏡方數百里光明瑩微可鑒五藏六腑亦名仙人鏡國中人有疾輒照其形遂知病起何藏府即采神藥餌之無不愈其國人壽三千歲亦有長生者

列禦寇鄭人御風而行常以立春日歸平八荒立秋日遊於風穴是風至即草木皆生去則草木皆落謂之離合風

秦繆公時陳倉人掘地得物若羊非羊似猪非猪繆公道中逢二童子曰此名蠅史記作蠅在地中食死人腦

也若以松栢安其首則死故今種栢在墓上以防其害也

辰州嵩溪有丹青樹枝葉直上籠雲下無枝條上有五色葉圓如華蓋故號丹青樹俗謂之五采樹今在辰陽縣

城陽縣城南有堯慶都墓廟前一池魚頭間有印文謂之印頰魚若非祀者捕而不得

奇肱國其國人機巧能為飛車從風遠行湯時西風吹奇肱人垂車東至豫州界後十年而風後使至遣



歸國去玉門四萬里

東海有牛魚其形如牛海人採捕剝其皮懸之潮水至則尾起潮水落則尾伏

顧渚山有櫨反子樹其木如玉色渚人採之以為

杖

蛇一首兩身者名曰肥遺西華山中有也見則大旱

南海有水蟲名曰魴蚌蛤之類也其小蟹大如榆莢

筋開甲食則解赤出食筋合甲蟹亦還入為筋取食

以始終生死不相離

西蜀石門山有樹名曰桄榔皮裏出屑如麵用作餅食之與麵相似因謂之桄榔麵焉

漢武帝元鼎元年起招靈閣有一神女留一玉釵與

帝帝以賜趙婕妤好至昭帝元鳳中宮人見此釵光瑩

甚異共謀欲碎之明視釵匣唯見白燕直升天去後

宮人常作王釵因名王燕釵

三國時昆明國貢魏瀨金鳥鳥形如雀色常翔翔海上吐金屑如粟至冬此鳥即畏霜雪魏帝乃起温室

以處之名曰辟寒臺故謂吐此金為辟寒金也



漢末關中大亂有發漢時宮人塚者宮人猶活既出  
平復如故魏郭后愛念之錄着宮人常置左右問漢  
時宮中事說之皆有次第郭后崩因哭泣過度遂死  
周昭王時塗修國獻青鳳丹鷓各一雌一雄

吳郡魚城城下水中有石首魚至秋化為鳧鳧項中  
尚存石

南康郡有君山高秀專登有類臺榭名曰女媧邑有  
獸名格似猩猩之形自知吉凶人無機密之則可馴  
狎欲執害之則去不來

桂陽郡有銀井鑿之韓深漢有村人焦先於半道見  
三老人遍身皓白云逐我太苦今往他所先知是怪  
以刀斫之三翁各以杖受刀忽不見視其斷杖是銀  
其井後遂不生銀也

儋耳郡明山有二石如人形云昔有兄弟二人向海  
捕魚因化為石因號兄弟石

貞山在昆陵郡梁時有村人韓文秀見一鹿產一女  
子在地遂收養之及長與凡女有異遂為女冠梁武  
帝為別立一觀號曰鹿娘後死入棺武帝致祭開棺



視之但聞異香不見骸骨蓋尸解也遂葬棺於毘彼  
丙號其葬處為貞山

江陰北有子英廟子英卽野人也善入水捕魚得一  
赤鯉將著家池中養之後長徑一丈有角翅謂子英  
曰我迎汝身汝上我背遂昇於天為神仙晉時人  
瓊瑤似小蚌有一小蟹在腹中瑤出求食故淮海之  
人呼為蟹奴

鶴鶩故解刺骨德宅反耳則聽響遠露眼赤精則眇遠  
大毛落萊毛生其色如雪又云高脚踈節則多彼也

若百六十年變止不食生物千六百年形定飲而不  
食與鳳為羣

松有兩鬣三鬣七鬣者言如馬鬣形也言粒者非矣  
人間三十六洞天知名者十耳餘二十六天出九微  
志不行於世也

鯉魚滿三百六十鱗蛟龍輒率而飛去一年置一神  
守之則不能去矣神則龜也

王僧辨嘗為荆南得橘一蒂三十子以獻梁元帝  
吳太皇時朱休之豕犬歌曰言我不能歌聽我歌梅



花今年故復可明年當奈何休遂殺其天明年休家人並死

哀牢夷西蜀國名也其先有婦人捕魚水中觸沉木育生男子十人沉木爲龍出水上九男驚走一兒不夫背龍因舐之後諸兒推爲哀牢王

涿光山下羣水多鱗鱖之魚如鵠而十翼捕之可以

禦火

吳桓王時會稽生五色瓜吳中有五色瓜歲充貢伏獻

東南有桃都山上有大樹名曰桃都枝相去三千里上有天雞日初出照此木天雞則鳴天下雞皆隨之

鳴

合塗國去王都七萬里人善服鳥獸雞犬皆使能言林屋洞爲左神幽虛之天節天后真君之便闕中有白紫芝泉皆此洞所出乃神仙之飲餌非常人之所能得之

日南郡出果下半高三尺漢樂浪郡有果下馬並高三尺



廬陵有木客鳥大如鵲千百爲羣不與衆鳥相別俗  
云是古之木客花化作廬陵卽今吉州也

後魏孝昌年中有洛子淵自云洛中人戍於彭城同  
營人樊元寶還子淵附書至洛書上題云宅上靈臺  
南延洛水旣至洛忽逢一老翁曰吾見書也引入門  
館甚盛呼坐命酒酒至色赤甚香美寶告退老翁出  
送但見高岸對水無復人家及還彭城子淵已失元  
寶與子淵同戍三年不知是水神也

彭城郡古徐國也昔徐君宮人生一大卵棄於野徐

行犬名后倉啣歸溫之卵開內有一兒有筋而無骨  
後爲徐君號曰偃王爲政而行仁義

湘州栖霞谷昔有橋順二子於此得仙服飛龍一丸  
十年不饑故魏文詩曰西山有仙童不飲亦不食卽  
此也

河間郡有聖姑祠姓郝字女君魏青龍二年四月十  
日與隣女樵采於澁深二水處忽有數婦人從水而  
出若今之青衣至女君前曰東海使聘爲婦故遣相  
迎因敷茵於水上請女君於上坐青衣者侍側順流



而下其家大小奔到岸側惟泣望而已女君怡然曰  
今幸得爲水仙願勿憂憶語訖風起而沒於水鄉人  
因爲立祠又置東海公像於聖姑側呼爲姑夫

大翻山小翻山在媯州昔有王次仲年少入學而家  
遠當先到其師怪之謂其不歸使人候之又實歸在  
其家同學者常見仲捉一小木長三尺餘至則著屋  
間欲共取之輒尋不見及年弱冠變蒼頡舊書今爲  
隸書秦始皇遣使徵之不至始皇怒檻車囚之赴國  
路次化爲大鳥出軍而飛去至西山乃落二翻一大

一小遂名其落處爲大小翻山媯州卽今幽薊之地  
利州義城郡葭萌縣有玉女房蓋是一大石穴也昔  
有玉女入此石穴前有竹數莖下有青石壇每因風  
自掃此壇玉女每遇明月夜卽出於壇上閒步徘徊  
復入此房

龍巢山下有丹水水中有丹魚欲捕其魚伺魚之浮  
出水有赤光如火網取割其血塗足可涉水如履平  
地

宋武帝大明五年廣郡獻白孔雀以爲中瑞



秦惠王獻五美女於蜀王王遣五下迎女乃見大蛇  
入山穴中五丁曳蛇山崩五女上山遂化爲石  
一說少室山有貝多樹與衆木有異一年三放花其  
花白色香美俗云漢世野人將子種於此  
武都丈夫化爲女子顏色美麗蓋山之精也蜀王娶  
以爲妻無幾物故遂葬於成都郭中以石鏡一枚長  
二丈高五尺同葬之

衡州九疑山有舜廟郡守至官常致敬修祀則空中  
如有弦歌之聲一說九疑山隔湘江跨蒼梧野連營

道縣界九山相似行者望之有疑因名曰九疑山

漢惠帝七年夏雷震南山林木皆自火燃至根其地  
悉皆焦黃後其雨迅過人就其間得龍骨一具

晉世顏含嫂病須與蚺蛇膽療之則愈既不能得含  
憂嘆累日忽有一童子持青囊授含乃曰真蛇膽也  
童子遂化爲青鳥飛去

陽羨縣小吏吳合龍家在溪南偶一日以搥頭船過  
水溪內忽見一五色浮石龕遂取歸置於牀頭至夜  
化爲一女子至曙仍是石後復投於本溪



南海中有鮫人室水居如魚不廢機織其眼能泣則出珠晉木玄虛海賦云天琛水怪鮫人之室

興安縣水邊有平石其上有石櫛石履各一具俗云越王渡溪脫履墮櫛於此

荆州清溪秀壁諸山山洞往往有乳窟窟中多玉泉交流中有白蝙蝠大如鴟按仙經云蝙蝠一名仙鼠千載之後體白如銀棲卽倒懸蓋飲乳水而長生也夜郎縣者西南遠夷國名也其先有女子浣紗忽三節竹流入足間聞其中有號聲剖竹視之得一男歸

而養之及長有武畧自立爲夜郎侯以竹爲姓漢武帝元鼎六年征西南夷改爲牂牁郡夜郎侯迎降天子賜以玉印綬後平夷獠盛以竹王非血氣所生衆爲立廟今夜郎縣有竹王神是也

述異記卷下終



漢魏叢書卷一

枕中書

漢魏叢書原本

晉 葛洪

洪。歷。觀。天。地。之。寶。藏。上。聖。之。宮。第。至。上。之。尊。神。仙。圖。  
 記。猶。未。知。極。妙。之。根。以。去。月。乙。丑。夜。半。靜。齋。于。羅。浮。  
 山。忽。驚。風。駭。起。香。馥。亂。芳。龍。鳴。虎。嘯。躑。躅。空。中。有。頃。  
 之。間。紫。雲。覆。林。忽。見。一。真。人。眼。瞳。正。方。項。負。圓。光。天。  
 顏。絕。世。乘。白。鱗。之。車。建。九。旌。之。節。腰。帶。瓊。文。鳳。繡。之。  
 錦。旒。頭。戴。六。通。之。冠。年。可。二。十。許。侍。者。執。夜。光。之。火。  
 玉。羽。衛。河。有。千。人。自。號。玄。都。太。真。王。問。曰。子。是。葛。洪。

枕中書



乎何爲而希長存。洪稽首披陳長跪執禮禱告。余曰：子是籍九天之嘉慶，乘運挺英，復千年之後，太清有仙伯之名，今當遠變，去世卜宅西鄉，相携於太華之上，丹宮之中，且還時朝，以龍淵化身，密平寂往，莫識今真子窮翫墳典聰秀逸羣，解滯悟惑，可謂妙才矣。但未知真仙之宮，第上聖之所由耳。吾今行矣，相告許共事，不復爲久也。洪因伏叩頭，於是真人卽令侍者執筆摩紙，口授妙言，旣畢，左手授與洪云：吾往方丈簡仙宮，致復相過，子勗之焉。吾去矣，見駕乘丹而

高乃失所在也。

真書曰：昔二儀未分，溟滓鴻濛，未有成形。天地日月未具，狀如雞子，混沌玄黃，已有盤古真人，天地之精，自號元始天王，遊乎其中。溟滓經四劫，天形如巨蓋，上无所係，下无所依，天地之外，遼屬無端，玄玄太空，無響無聲，元氣浩浩如水之形，下無山嶽，上無列星，積氣堅剛，大柔服雜，天地浮其中，展轉無方，若無此氣，天地不生。天者如龍旋迴雲中，復經四劫，二儀始分，相去三萬六千里，崖石出血成水，水生元蟲，元蟲



生續牽生剛須剛須生龍元始天王在天中心之上  
名曰玉京山。山中宮殿並金玉飾之。常仰吸天氣。俯  
飲地泉。復經二劫。忽生太元玉女。在石澗積血之中。  
出而能言人形。具足天姿。絕妙當遊厚地之間。仰吸  
天炁。號曰太元聖母。元始君下遊見之。乃與通氣。結  
精。招還上宮。當此之時。二氣細縕。覆載氣息。陰陽調  
和。无熱无寒。天得一以清。地得一以寧。並不復呼吸。  
宣氣合會。相成自然。飽滿大道之興。莫過于。此結積  
堅固。是以不朽。金玉珠者。天地之精也。服之能與天

地相畢。元始君經一劫。乃一施。宋元母生天皇十三  
頭。治三萬六千歲。書爲扶桑大帝。東王公。號曰元陽  
父。又生九光。女號曰太真。西王母是西漢夫人。天  
皇受號十三頭。後生地皇。地皇十一頭。地皇生人皇  
九頭。各治三萬六千歲。聖真出見受道。天无爲建初  
。得成天任於今。所傳三皇。天文是此所宣。故能召請  
天上大聖。及地下神靈。无所不制。故天真皇人三天  
。其王駕九龍之輿。是也。次得八帝。大庭氏。庖羲。神農。  
祝融。五龍氏等。是其苗裔也。今治五嶽。是故道隆上



在極三王三王夏商殷周武也是以淳風既  
滅而禮興禮爲亂首也周未陽弱而陰強國多寡  
婦西戎金兵起而異法興焉既而九州湮沒帝業荒  
蕪此言驗也後來方有此事道隆之代其人混沌異  
法之盛人民猾僞也洪曰此事玄遠非凡學所知吾  
以庸才幸遭上聖眇目論天地之奧藏暢至妙之源  
本輒條所誨銘之于素以爲絕思矣夫無心分之人  
慎勿以此元始告之也故置遺跡示乎世之賢耳  
真記曰玄都玉京七寶山週迴九萬里在大羅之上

城上七寶宮宮內七寶臺有上中下三宮如一宮城  
一面二百四十門方生八行寶林綠葉朱實五色芝  
英上有萬二千種芝沼中蓮花徑度十丈上官是盤  
古真人元始天王太元聖母所治中宮太上真人金  
闕老君所治下宮九天真皇三天真王所治玉京有  
八十一萬天路通八十一萬山嶽洞室夫以得道大  
聖衆並賜其宮第居宅皆七寶宮闕或在名山山嶽  
羣真所居都有八十一萬處古今有言九九八十一  
是終天路玉京山也上仙受天任者一日三朝玄都



太真人也。雖有億萬里，往還如一步耳。世人安知此哉。衆仙或有日三朝扶桑，或三朝西王母，玉京金闕，是太上真人。月三朝元始，天王太上真人。元始之弟子，皆如帝王，有司徒丞相也。金闕老子，太上弟子也。扶桑大帝，元始陽之氣治東方，故世間帝王之子，應東宮也。

西漢九光夫人，始陰之氣治西方，故曰木公金母。天地之尊神，元氣鍊精，生百萬物，調和陰陽，光明日月，莫不由之。精神長存，命則無終，抱一不離，故能長久。

天失陰陽，水旱不節，人失陰陽，神根命竭，世人不能保一守三，修生反死，固其宜矣。可後怨耶。吾復于年之間，當招子登太上金闕，朝宴玉京也。此電頃未足爲久，今且可浮遊五嶽，採靈芝，尋隱仙之友，逍遙無爲，吾言信可望哉。

扶桑大帝住在碧海之中，宅地四面並方三萬里。上有太真宮，碧玉城，萬里多生林木，葉似桑，又有棋樹，長數千丈，二十圍，兩同根，偶生更相依倚，名爲扶桑宮。第象玉京也。衆仙无量，數立洲方丈，諸羣仙未具。



天者在此去會稽岸六萬里。大清仙伯太上丈人所  
居蓬萊山對東大海之東北岸。山週迴五千里。溟海  
中濤浪衝天。九氣丈人所治。

崑崙玄圃金為墉城。四方千里。城上安金臺。玉所玉  
樓十二。瓊華之屋。紫翠丹房。七寶金玉積之連天。巨

獸萬尋。靈香億千。西王母九光所治。羣仙无量也。

廣成丈人。今為鍾山真人。九天仙王。漢時四皓仙人。  
安期彭祖。今並在此輔焉。

務成子。力墨子。為岷山真人。今玄子玉子為岷山侯。  
太吳氏為青帝。治岱宗山。顓頊氏為黑帝。治太恒山。

祝融氏為赤帝。治衡霍山。軒轅氏為黃帝。治崑崙山。  
金天氏為白帝。治華陰山。

右五氏為五帝

堯治熊耳山。舜治積石山。禹治華斧山。湯治立極山。  
青鳥治長山。及馮修山長。

右五人為五帝佐相。領五帝事。五帝一劫遷佐者  
代焉。

許由巢父。今為九天侍中。箕山公。夏啓。周發。受。書。為



田極明公或住羅酆或在洞天三周天者爲降陵真人二人並在金華山漢高祖光武並爲四明賓友周靈王令爲太虛侍郎治波龍山樂子長闔家得仙未昇天任並住方丈之室神洲受太玄生籙五芝爲糧也郭景純爲都錄司命治虛臺也左元放今爲天柱真人監仙侯葛立受金闕君命爲太極左仙公治蓋竹山又在女兒山常駕乘虎騎也許映始爲霍林仙人許穆在華陽洞天立宅爲真人許玉斧在童初之北位爲真人未有掌領鮑靚爲地下主誓帶潛山真

人復五百年當爲崑山侍郎鄭思遠住南霍常乘虎豹白鹿未有職事蔡鬱壘爲東方鬼帝治桃止山張衡楊雲爲北方鬼帝治羅酆山杜子仁爲南方鬼帝治羅浮山領羗蠻鬼周乞稽康爲中央鬼帝治抱犢山趙文和王真人爲西方鬼帝治嶓冢山

夫地仙遊五嶽朝朝西王母夕憩鍾山嶽雖未昇天此觀樂亦難言也及童初之府易遷之宮唯有此樂也名山之中年年有仙去者世人不見不信神仙可哀嘆也夫學不顧軀命心志清白者吾未見虛往也



或修之不勤。勤而不除。貪慾之弊。三業十惡。未改猶抱石而赴長津矣。

吳越及梁益風氣清貞。故多仙人。是以成都之境。丹陽之域。會稽之東南。天路所衝。善宜修尚。世凡此衆仙。及命過受書者。巨衆不可具記。在小嶽之中者。亦畧舉之也。

鬼谷先生爲太立師。治青城山。王子喬爲金闕侍中。治桐栢山。赤松爲崑林仙伯。治南嶽山。王子登爲小有天王。治王屋山。孤竹伯夷。叔齊等。並爲九天僕射。

治天台山。孔某爲太極上真。公治九嶷山。顏回受書。初爲明臬侍郎。後爲三天司真。七十二人受名。玄洲門徒三千。不經北邙之門。項儀山爲蓬萊司馬。周公且爲北帝師。治勁革山。莊周爲太玄博士。治在荆山。孫權受任。治亦在荆山。張道陵爲三天法師。統御六虛。數侍金闕。太上之股肱。治在廬山。三師同宅。王方平。今爲上相。治月支國。人鳥。言墨翟爲太極仙。卿治馬跡山。徐來勒爲太極真。治括蒼山。小宮在天台山。陳世安治小台山。巽君平。今治在峨嵋山。屈原爲海



伯統領八海王弼爲北海監郭聲子爲閭風真人魏  
夫人治南嶽山裴清靈治四明山馬明生今在鍾山  
陰長生爲地肺真人孫登間耶真人九華真妃治夏  
蓋山或在龍山王長趙昇受書爲廬山中正一三天  
都護韓衆今爲霍林真人瑯琊爲太虛左掾侍史  
三茅爲保命定錄司非監在華陽洞府治北居棲鳳  
包山有數千小山亦不減百皆是神山今略證仙人  
之數足以令子心堅仰慕矣秘之勿宣若高賢心馳  
嶺外子去世之際可緘以示之苟行業不建德務不

仁者終天无令見也凡青嶂之裏千嶺之際仙人无  
量與世人比肩而不知凡人有因緣者或在深山途  
誤入仙家使爲仙洞玉女所留請先功厚也初學道  
不必入山閉門勤修不雜人物長齋執志或清香灑  
掃亦能降真矣魏夫人許氏之徒皆其流也要當措  
捨方術真書良久傳影響處應便當絕迹耳若出入  
人間躉拾山谷事緣衣服飲食不須與世交常有異  
矣外和光同塵內守其真一斯言之妙也



